

**Bosna i Hercegovina
Federacija Bosne i Hercegovine
Bosansko-podrinjski kanton Goražde
Općina Pale
Općinski načelnik**

PROGRAM UTROŠKA SREDSTAVA

**iz Budžeta Općine Pale po projektu "Socio-ekonomsko osnaživanje
lokalnog stanovništva "sa kriterijima raspodjele koji se temelji se na dodjeljenim
finansijskim sredstvima za ovu namjenu od strane Vlade BPK-a Goražde u 2023. godini**

Oktober, 2023. godina

1. NAZIV PROGRAMA

Naziv Programa je: Program utroška sredstava iz Budžeta Općine Pale po projektu "Socio-ekonomsko osnaživanje lokalnog stanovništva "sa kriterijima raspodjele koji se temelji se na dodjeljenim finansijskim sredstvima za ovu namjenu od strane Vlade BPK-a Goražde u 2023. godini.

PODACI O PROGRAMU

Period realizacije Programa: od dana usvajanja Programa od strane Općinskog vijeća do 31.12.2023.godine

Budžetska pozicija: Grant Kantona prema Općinama

Ekonomski kod: 615 117

Ukupna vrijednost Programa: 15.000,00 KM

Odgovorna osoba: Almin Čutuk

Pozicija odgovorne osobe: Općinski načelnik

Kontakt osoba za Program: Aida Crnčalo

Kontakt telefona: 038 799-100

Kontakt e-mail: praca@bih.net.ba

Internet: www.praca.ba

Općinsko vijeće Općine Pale donijelo je Odluku o davanju saglasnosti na Program utroška sredstava iz Budžeta Općine Pale po projektu "Socio-ekonomsko osnaživanje lokalnog stanovništva "sa kriterijima raspodjele koji se temelji se na dodjeljenim finansijskim sredstvima za ovu namjenu od strane Vlade BPK-a Goražde u 2023. godini, broj: 02-11-194/23 od 24.10.2023. godine.

2. SVRHA I OPIS PROGRAMA

2.1 Svrha Programa utroška

Svrha Programa utroška sredstava iz budžeta Općine Pale po projektu "Socio-ekonomsko osnaživanje lokalnog stanovništva "sa kriterijima raspodjele koji se temelji se na dodjeljenim finansijskim sredstvima za ovu namjenu od strane Vlade BPK-a Goražde u 2023. godini sa ekonomskog koda 615 117- Grant Kantona prema Općinama.

Programom se posebno želi pomoći održivosti lokalnog stanovništva kao i daljem razvoju plasteničke proizvodnje unutar lokalne zajednice.

2.2. Opis Programa

S obzirom da je na prostoru Općine Pale, trenutno najrasprotranjenija plastenička proizvodnja povrća, i da se konstantno širi, problem s kojim se većina poljoprivrednih domaćinstava susreće je plasman viška poljoprivrednih proizvoda. Radi se o značajnim količinama povrća koje nije moguće plasirati u svojoj lokalnoj zajednici jer postoji oko 50 domaćinstava koja se bave plasteničkom proizvodnjom povrća i većina njih ima određene viškove poljoprivrednih proizvoda.

Ovim programom želimo dati svoj doprinos u očuvanju poljoprivredne proizvodnje i stvaranju pretpostavki za otkup viškova poljoprivrednih proizvoda od lokalnih proizvođača.

3. OPĆI I POSEBNI CILJEVI PROGRAMA

3.1. Opći/Osnovni cilj Programa

Opći cilj ovog Programa jeste omogućiti poljoprivrednim domaćinstvima sa prostora Općine Pale održivost poljoprivrednih gazdinstava kroz plasman viškova poljoprivrednih proizvoda.

3.2 Posebni/ specifični cilj Programa

U okviru ovog Programa, planirana je realizacija jednog posebnog/specifičnog cilja za implementaciju projekta:

- Pružiti direktnu podršku poslovnim subjektima koji će dugoročno riješiti problematiku otkupa viškova plasteničkih poljoprivrednih proizvoda lokalnog stanovništva.

Općina će kroz ovaj poseban cilj obezbjediti finansijsku pomoć poslovnim subjektima za provođenje ciljanih mjera podrške u osiguranju ekonomskih i socijalnih potreba za poljoprivredna domaćinstva koja mogu direktno utjecati na povećanje stepena održivosti i poboljšanja životnog standarda lokalnog stanovništva.

Općina ovim Programom obezbjeđuje sredstva koja će se realizirati za pomoć pravnim licima u vidu finansiranja/sufinansiranja zahfjeva i projekata kojim se doprinosi ostvarenju Općeg cilja projekta.

Podrška podrazumjeva sufinansiranje/finansiranje nabavke:

- teretnog kombi vozila za prevoz roba iz lokalne zajednice.

4. IMPLEMENTACIJA I IZNOS SREDSTAVA

Finansijska sredstva za realizaciju Programa obezbjedena su u budžetu Općine Pale u 2023. godini na ekonomskom kodu 615 117 kroz projekat „Socio-ekonomsko osnaživanje lokalnog stanovništva“ finansiran od Vlade BPK-a Goražde u iznosu od 15.000,00 KM.

Sredstva će se dodijeliti korisnicima u skladu s kriterijima utvrđenim ovim Programom i uslovima Javnog poziva.

Implementacija Programa obuhvata slijedeće aktivnosti:

- objavljivanje javnog poziva
- korisnici sredstava
- razmatranje i obrada pristiglih prijava (odabir korisnika)
- potpisivanje ugovora o dodjeli podrške sa odabranim korisnikom
- implementacija
- pružanje mentoring podrške i monitoring

4.1. Javni poziv

Za dodjelu grant sredstava iz ovog Programa, Općina Pale raspisuje javni poziv. Javni poziv se objavljuje na oglasnoj tabli Općine, web stranici Općine (www.praca.ba) i lokalnom radiju Prača.

U sklopu javnog poziva, u koliko bude potrebno, nosilac aktivnosti će prižiti svu stručnu pomoć u vezi pravilne popune aplikacionog obrazca prijave na Javni poziv.

4.2. Korisnici sredstava

Korisnici ovih sredstava mogu biti isključivo poslovni subjekti sa teritorije Federacije BiH čija djelatnost je usmjerena na trgovinu voćem i povrćem.

4.3. Odabir korisnika

Općinski načelnik imenuje komisiju za izbor i nadzor korisnika sredstava, koja će prema kriterijima definisanim u ovim Programu, vršiti izbor korisnika sredstava.

Detaljne smjernice za rad Komisije će utvrditi Općinski načelnik na prijedlog nadležne Općinske službe.

Komisija će predložiti načelniku prijedlog liste aplikanata koji ispunjavaju uslove javnog poziva.

Privremena rang lista će se objaviti na oglasnoj tabli Općine i na službenoj web stranici (www.praca.ba)

U roku od tri (3) dana od dana objavljivanja privremene rang liste svaki aplikant može podnijeti pismeni prigovor na listu.

Prigovor se upućuje Općinskom načelniku. Nakon isteka roka za prigovor i razmatranja progovora utvrđuje se i donosi konačna lista aplikanata koja se objavljuje na oglasnoj tabli Općine i web stranici Općine Pale (www.praca.ba).

4.4. i 4.5. Zaključivanje ugovora i implementacija

Načelnik će zaključiti. Ugovor sa odabranim korisnikom sredstava, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Nakon potpisivanja ugovora o podršci, dostavljanja predračuna za nabavku sredstava i ovjerene izjave da će podsticajna sredstva namjenski utrošiti, Općina će na račun korisnika podsticaja uplatiti odobreni iznos za nabavku sredstava za rad, dok će korisnik sredstava biti obavezan u roku od trideset (30) dana od dana isplate u nadležnu službu Općine dostaviti fakturu uz fiskalni račun i dokaz o izvršenom plaćanju.

4.6. Mentorska podrška i nadzor nad utroškom

Općina Pale će u slučaju potrebe pružiti mentorsku podršku korisniku grant sredstava u vezi realizacije projekta sa indirektnim korisnicima podrške.

Provjeru namjenskog utroška sredstava od strane korisnika vršit će kontinuirano komisija za izbor i nadzor korisnika sredstava, a na kraju projekta podnijet će izvještaj načelniku.

5. KRITERIJI ZA ZA IZBOR KORISNIKA PODRŠKE

5.1. Opći kriteriji koji su eliminatorni i obavezujući i prijava treba da sadrži slijedeće dokumente:

- a) Čitko popunjenu, potpisanu i ovjerenu prijavu na javni poziv i projektni prijedlog na obrascu koji je dostupan na web stranici Općine Pale www.praca.ba ili se može preuzeti lično u prostorijama Općine Pale, kancelarija br.19.
- b) Ovjerenu kopiju rješenja o registraciji djelatnosti,
- c) Ovjerena kopija Uvjerenja o poreskoj registraciji – identifikacioni broj,
- d) Potvrda banke o otvorenom žiroračunu i da račun nije u blokadi u posljednjih 6 mjeseci,
- e) Uvjerenje o izmirenim poreskim obavezama,
- f) Uvjerenje o izmirenim obavezama za poreze i doprinose za uposlenike,
- g) Pripremljen projektni prijedlog koji se dostavlja uz prijavu na javni poziv sa definisanim iznosom sredstava potrebnim za provedbu aktivnosti koji se traži u vidu finansiranja/sufinansiranja od strane Općine Pale,
- h) Da je predloženi projekat usmjeren ka rješavanju problematike otkupa viškova poljoprivrednih proizvoda u Općini Pale,

- i) Kopija predračuna koji odgovara apliciranom zahtjevu – projektu.

5.2. Posebni kriteriji na osnovu kojih će se bodovati prijava:

- a) Spremnost sufinansiranja projekta od strane podnosioca prijave ili drugih donatora ugovor ili Izjava ovjerena od strane podnosioca prijave ili drugih donatora,
b) Izjava o broju povratničkih domaćinstava kojima će projekat potencijalno koristiti,
c) Očekivani rezultati procjena mjerljivih efekata koji idu u prilog stvaranju preduslova za kvalitetniji život lokalnog stanovništva – ovjerena izjava podnosioca projekta da će realizacijom projekta navedeni problem biti riješen dugotrajno.

5.3. Dodatni kriteriji za bodovanje:

- a) Prednost pri apliciranju za dodjelu grant sredstava imat će podnosioci prijave koji u posljednje tri godine (2021., 2022. i 2023.) od dana raspisivanja Javnog poziva nisu bili obuhvaćeni programima viših nivoa vlasti i međunarodnih organizacija u BiH. – do 10 bodova

Dokumenti koji se prilažu uz prijavu moraju biti original ili ovjerena kopija

5. STUPANJE NA SNAGU

Ovaj Program stupa na snagu danom usvajanja od strane Općinskog vijeća Općine Pale, a naknadno će biti objavljen u "Službenim novinama Bosansko-podrinjskog kantona Goražde".

Broj: 01-11-394/23
Prača, 24.10.2023. godine

